

SARS LE DITHEO TSA PHETHAHATSO YA MOLAO DI NKA MEHATO KGAHLANO LE DITHOTO TSE SENG MOLAONG EBILE DI SA DUMELLWA

Pretoria, 27 Mphalane 2022: Ho hapilwe dithoto tsa dimiliyone tsa diranta matsholong a mangata a kopanelo a entsweng le SARS kgweding e fetileng.

- Letsholong le neng le thehilwe hodima mautlwela pakeng tsa dihlopha tsa phethahatso ya molao ka hara SARS le Tshebeletso ya Sepolesa sa Afrika Borwa (SAPS) le bile teng ka la **25 Mphalane 2022** mabapi le thibelo le ho fokiswa ha ho mokolwa ho etsahalang madibohong mmoho le ho se ikobele ho etsahalang ho tsa Bolaodi ba Meedi le Dihlahiswa tsa Naha indastering ya disakarete le kwae.

Dihlopha tsa Phethahatso ya Molao tsa SARS tse ileng tsa behwa mane East Rand, Gauteng ka tshehetso ya SAPS, di fumane teraka e laolla kwae e sokang e sebetswa, eo ho belaelwang hore e tswa Zimbabwe, polokelong. Sehlopha sena se boetse sa fumana palo e bonahalang ya mabokose a kwae e sokang e sebetswa a neng a se a ile a fihliswa polokelong ena nakong ya ho feta.

Ho ile ha fumanwa hape hore kwae ena, e neng e leba mane polokelong e bitswang *Bonded Warehouse*, e ile ya kgeloswa ntle le molao ho leba polokelong e sa ngodiswang. Sena ke tlolo ya Molao wa Bolaodi ba Meedi le Dihlahiswa tsa Naha.

Dihlopha tsena tsa Kopanelo di ile tsa etsa hlahlobo e felletseng mme ha hapuwa dithoto tse latelang hore ho tle ho etswe diphuputso tse ding:

- Mabokose a 472 a kwae e sokang e sebetswa a boleng ba Bolaodi ba Meedi ba R10 919 000 (ho akareditswe le dikgafa le VAT).
- Teraka e tsamaisang mabokose a kwae e sokang e sebetswa a boleng ba R2 500 000.

Ho entswe ditshwaro tse pedi mme diphuputso di ntse di tswela pele.



- Ka la **23 Mphalane 2022**, mohlanka wa Bolaodi ba Meedi ya sebetsang mane Kopfontein o hlahobile teraka e keneng Afrika Borwa ho tswa Botswana. Mohlanka enwa o ile a elellwa diphoso tse itseng mme a laela mokgani ho bula karolwana e entsweng ka patsi. Ho ile ha fumanwa banna ba leshome le metso e robedi ba neng ba patilwe ka hara karolwana e ka tlase ho treilara.

Ho belaelwa hore banna bana ba tswa Malawi mme ba ne ba leka ho kena ka Afrika Borwa ntle ho molao. Nyewe ena e ile ya lebiswa Lefapheng la Merero ya Lehae le ho SAPS.

- Pakeng tsa la **18 le 21 Mphalane**, ho ile ha ba le dibaka tse tekolo ditseleng tse ka sehloohong tse pela makeno a Northwest, Limpopo, le Gauteng mme sepheo ka tsona e ne e le ho thibela le ho fokisa kgwebisano e seng molaong e etshalang madibohong ya ho mokolwa ha dithoto tse kang disakarete le dihlahiswa tsa kwae. Diphetho ebile tse na tse latelang:
 - Ka la 19 Mphalane 2022 sehlopha sa phethahatso ya molao sa Bolaodi ba Meedi se ile sa emisa le ho phenya sepalangwang ka ntlenyana ho Mokopane mme sa fumana dishobana tse 11 650 tsa dithethefatsi tse fetolang semelo, e leng *Khat*, tsa boima ba paloyohle ya 249kg le tsa boleng ba R700 600. Mokganni o le a tshwarwa mme dithethefatsi tse fetolang semelo tsa hapuwa mme tsa nyehelwa Ditshebeletso tsa Sepolesa sa Afrika Borwa.



- Hape, ho tloha ka la 18 ho ia ho la 21 Mphalane diprovinseng tse na ka boraro ba tsona, Sehlopha sa Phethahatso ya Molao sa Bolaodi ba Meedi se ile sa ba le matsholo a tobileng bahwebi ba neng ba belaelwa hore ha ba ikobele Molao wa Bolaodi ba Meedi le Dihlahiswa tsa Naha ka lebaka la kgwebisano e sa dumellwang ka disakarete le dihlahiswa tsa kwae. Ditloho tse na tsa molao di ne di akga ka hare ho behwa ha ditheko tse ka tlase ho tse dumelletsweng, ho hloka bopaki ba tefo, ho hloka di-invoese tsa nnete, dipakana tsa disakarete tse sa ikamahanyeng le Molao wa Bolaodi ba Meedi le Dihlahiswa tsa Naha le Molao wa Dihlahiswa tsa Kwae tse kang ho se be teng ha setempe sa taemane kapa temoso ya bophelo bo botle. Ke paloyohle ya makase a sehlooho a 81 ao ka bonngwe ba ona a kentseng dikaretone tse 50 tsa disakarete tsa boleng ba R1 277 000 tse hapilweng.
- Provenseng ya North West, ho hapilwe ditloho tsa sefahleho tse tlisitweng ka hara naha ntle le molao tsa boleng ba R104 000 ka nako ya letsholo lena.



- Letsholo la kopanelo le pakeng tsa NRRT le SAPS mane Gauteng ka la **13 Mphalane 2022** le lona le lebisitse ho fokisweng le ho hapuweng ha dithoto tse sa dumellwang le tse seng molaong:
 - Tahi e sa dumellwang, Metjhini ya ho hlophisa le ho distila ya boleng ba R1 525 800
 - Disakarete tse sa dumellwang le dihlahiswa tsa kwae: Makase a sehlooho moo lekase ka leng le kentseng dikaretone tse 50 tsa disakarete tsa boleng ba R9 118 355.
 - Diaparo, Masela, Matlalo mmoho le Dieta tseo ho belaelwang hore di tlisitswe ka hara naha ntle le molao tsa boleng ba R 1 500 000.



- Sehlopha sa Naha sa Bolaodi ba Meedi le Dihlahiswa tsa Naha (NRRT) mmoho le SAPS ba arabetse lesedi le neng le le mabapi le polokelo eo ho yona ho neng ho ka ba le dihlahiswa tse sa dumellwang tsa kwae mane Fordsburg Johannesburg ka la **7 Mphalane 2022**. Ka nako ya phenyo, sehlopha se ile sa fumana dihlahiswa tsa kwae tse hlafunwang. Mohwebi o ile a hloleha ho hlahisa bopaki bo hlokehang ba ditokomane tsa ho tlišwa ha dithoto ka hare ho naha mme ka lebaka la seo, o ile a tshwarwa ka tseo tsa boleng bo akanngwang ho ba R100 000 ha ho sa ntse ho emetswe diphuputso tse ding tse mabapi le ho mokolwa ha dihlahiswa tse sa dumellwang tsa kwae.



- Ka la **29 Loetse**, Dihlopha tsa Phethahatso ya Molao tsa SARS di bile le Letsholo la Kopanelo la Phethahatso ya Molao mane Johannesburg, moo ho neng ho tsepamisitswe maikutlo hodima ho mokolwa ho neng ho belaelwa ha dithoto tsa *CTFL* tse kang diaparo, masela, matlalo le dieta. Ho kena dipakeg hona hwa kopanelo ho bakile hore ho be dikgapo tse 10 tsa dithoto tsena tsa *CTFL*, tseo ho belaelwang hore di mokotswe ho kena ka naha, mme hona moo ho na le kgonahalo ya hore ho tlotswe Ditokelo tsa Thepa ya Boinahanelo. Dithoto tsena tsa boleng bat R31 million, di hapilwe ke SARS ha ho ntse ho etswa diphuputso tse ding. Ho tshwerwe motho a le mong ka nako ya letsholo lena la kopanelo ka ho leka ho eka ka tsela ya tjo-tjo.



Khomishenara ya SARS Mong. Edward Kieswetter, o thoholelitse bahlanka ba Bolaodi ba Meedi bao e bileng karolo ya matsholo ana a kopanelo a lebisitseng ho hapuweng le ho tshwarweng ha babelaelwa ba nang le seabo ditlolong tsa molao. O itse: "SARS, ka tshebedisano le ditheo tse ding tsa phethahatso ya molao, e tla tswela pele ho nnetefatsa hore bao ba nang le seabo ho tlolweng ha melao ya naha ya rona ba tla kopana le pela di falla. Ho balefalekgetho ba sa ikobeleng tefo ya lekgetho, re lakatsa ho ba romella molaetsa o reng SARS e tla thatafalletsa le ho etsa hore ditjeo e be tse hodimo bakeng sa bao ba nang le seabo diketsong tsa bonokwane".

Ho fumana lesedi le fetang lena, ka kopo ikopanye le SARSMedia@sars.gov.za